

蒼

梧

詞

蒼梧詞卷二

武進董元愷舜民撰

合肥許孫荃生洲評

同郡嚴繩孫蓀友閱

小令二

訴衷情 第四體

金陵春望

孝陵衰草下牛羊。春風繞建康。一片降帆過眼，短笛倚斜陽。君莫問，石頭岡。瘦園荒。鐵鎖沉沉，金甌寂

寂玉樹茫茫

生洲日數語耳寫出六代興亡
黃公曰俯仰千秋令人欲喟可憐石頭城也

醜奴兒令

別情

匆匆簾影驚分處。驚別蕭郎。自別蕭郎。風雨憂愁一
半妨。從今諳盡愁滋味。總不思量。却又思量。日日
車輪更轉腸。

阮亭曰情緒相
引如園客繭絲

美人對鏡

我似個人伊似我。伊自知愁我更多愁。兩頰啼痕一點處。畱春來總與伊同瘦。伊在睂頭我在心頭一點橫波兩處流。

生洲日美人對鏡阮亭向推遐周作
今讀舜民此詞令我有瑜亮之歎

謁金門

湖舫同內泛雨

烟舫纖盪破滿湖輕碧。一片樓臺空翠。滴雨峰連樹失。簾外荷香堪裊。檻底魚遊爭識。釵漾菱花鬟影濕。鏡裏隨風入。

潘原白曰峰連樹失已自
稀奇鏡隨風入得未曾有

好事近

薰籠

數縷氣氤氲微透玲瓏湘竹小玉頻添鵲腦比啣花
簫局半薰繡幔半籠裙儘放餘烟續一任簾前被
底長共香奩宿

月陵曰溫茂有情
讀之如捫軟玉

柳含烟

至日韶陽見柳

韶陽柳。季冬時搖曳。青青如許。添來宮線。織成絲舞。
腰肢。寒塘綠映春波曉。鎮日黛眉顰笑。不吹風雪。
却吹烟曲江邊。

芝田曰。淹潤風致。有
水塘春始波之意。

好時光

楊妃山茶

一捻指痕輕。染千片汗色微銷。乍醒沉香亭上。夢芳
魂帶葉飄。照耀臨池處。恍上馬映多嬌。疑向三郎
語時作舞。纖腰。

子玉曰嬌豔生香風致如
許不羨楊家一捻紅也

一落索

詠風鳶

鷺鳥憑空而起。雲霄堪致。青春一線上。青天禁得無。
聲墮地。怪底輕狂可喜。欲飛還止。十年前事。憶兒
童。此日依然故紙。

生洲曰可與梅村先生

江城子一闕並傳千古

阮亭曰先西樵兄曾作廣陵春詞云風滿晴空足
路蹊莫將辛苦競高低揚子橋邊九重塔朝來不
共紙鳶齊與舜老
此闕各有寄託

憶秦娥

湖樓和內

粧樓悄。錦塘風送聞啼鳥。聞啼鳥。湖光如夢，亂雲繚繞。
六橋裙帶飄芳草。兩峰高。画春山小。春山小。珠簾初捲，画船多少。

生洲日湖光如夢願以喚醒一切陸亘大夫

不歸

傷心極。年年慣作天涯客。天涯客。畱他不住，送他不
得。不如歸去啼聲咽。不歸休。記歸時節。歸時節。未

容。言。語。又。成。離。別。

天山日年年。作客處處依人。
對此傷心語。不禁喚奈何矣。

更漏子

寄憶

舊。愁。人。新。愁。月。同。是。黃。昏。時。節。人。不。見。月。偏。明。除。非。
倩。夢。尋。寒。衾。擁。愁。難。送。不。到。四。更。無。夢。蓮。漏。滴。乳。
鷓。啼。夢。兒。能。幾。時。

兄文友曰夢有定期無人拈出
新愁月妙從月如無恨參來

閨情集唐詞

雨初晴

溫庭筠

簾半捲

毛熙震

疊損羅衣金線

薛昭緯

綃幌

碧

毛熙震

粉屏空

歐陽炯

燈花結碎紅

毛熙震

思無窮

蘊情未了

牛希濟

一炷後庭香

尹鶚

春如剪

溫庭筠

如絲

牛嶠

風搖夜合枝

馮延巳

又

繡簾垂

孫光憲

幽沼淥

顧夔

倚遍闌干幾曲

韋莊

蘋葉

軟

和凝

草烟低

馮延巳

綠窗殘夢迷

溫庭筠

玉纖輕

鳳簫歇

顧夔

夢覺半牀殘月

韋莊

蘭燭爇

皇甫松

柳條

空

歐陽炯

此情千萬重

馮延巳

閨夜

晚粧殘。

李後主

春態淺。

和凝

遠岫參差迷眼。

顧夔

千萬。

恨筠。

溫庭

在心頭。

馮延巳

秋波橫欲流。

李後主

燕雙雙。

溫庭

筠人悄悄。

尹鶚

殘月光沉樹杪。

和凝

烟霧冷。

魏承班

回。

屏幽。

毛熙震

吳山點點愁。

白居易

清平樂

端午閨中詞

健人

鏤絲裁絹小小人名健。但得一心常繾綣。兩好時時對面。臨風故作娉婷。看花想像儀形。任取釵橫鬢。

亂年年祝向芳齡

又 蘭虎

水蠶細繭。纖手親裁剪。刻畫爪牙。看與眼。一笑從風。
細轉。有時綵筆描真。何須插艾爲人。飄向玉釵頭。
上兒童競取相親。

又 長命縷

誰能續命。五色交相映。浪說辟兵還壓勝。繭館珠囊。
堪贈。不須遶戶高懸。料應粧臂同纏。願取一絲一。
歲與郎情緒綿綿。

又 牌兵符

心前笑撫神印穿金縷銷得五兵剛二五好共釵頭
艾虎 依依挿鬢宜春翩翩佩帶宜人全仗赤符
守不教膽怯空庭

又 綬包角黍

縈絲楚粽巧借針神縫雜俎輕鏤花影動却比菰蒲
鄭重 陋他九子殊名隨他百索殊形好是餐他秀
色鬢邊娘娘婷婷

又 菖蒲葫蘆

花陰午直。旋把菖蒲刻。依樣雕鏤。纖指劈。細認靈根。
九節。五絲。擷向霓裳。一樽醉泛瑤觴。共喜蘭湯浴。
罷携來。倍覺芬芳。

阮亭曰新豔稱題可補
歲時風土記所未備

誤佳期

湖樓月夜和龔芝麓先生韻

月色初穿簾幙。掩映玉人綽約。滿身花影倩扶持。幾
處清砧作。香銷玉臂寒。霧冷金釵落。醉擘銀箏信
手彈一曲。秋雲薄。

芝田日繪影繪
聲靈心妙手

相思引

燒香曲

暖語紅窗體自芬。笑添沉水更氤氲。語香花氣常共。
夜。深。聞。一。縷。輕。烟。遮。不。住。剪。來。銀。葉。襯。還。熏。炙。成。
心。字。雙。守。鵲。爐。溫。

生洲日若有迷迭都梁芬郁紙
上香奩中何可一日無董君

憶少年

春閨

春塵如雨。春風如醉。春光如夢。春花獨對也。只春波微動。剪破春陰。春色好。更春情落紅。催送萋萋春草。碧恰補春愁空。

阮亭曰。恰補春愁空。非易安不能到此。

荊州亭

登望湖亭

咫尺烟雲萬狀。搖曳帆檣百丈。放眼是江南。隔斷一湖波浪。碧浸芙蓉春漲。白映楚天空濛。願借馬當風。安穩行人無恙。

眉峰碧

画眉

早展菱花待。昨試輕螺在盈盈斜印。兩春山恰與秋波厮對。淡淺還應配。濃淡都堪愛。不知何處送愁來。蛾彎兩筆愁難載。

阮郎歸

窗前

幾錢年紀只些些。垂鬟鬢未鴉。別來幾度海桐花。窗前細認他。奩鏡畔。繡簾遮。粧成覆額紗。一枝春色

落誰家。斜邊散曉霞。

天石曰。情景故自脉脉。絕未道出。亦未經人道。

畫堂春

蝴蝶花

春烟春雨染濃芳。絲絲繡出春光。映堦碧草學輕狂。舞遍東牆。栩栩欲迷。莊子翩翩。勝揭滕王。穿花潛入。此花藏細認。釵梁。

十姊妹

天然一色綺羅叢。粧成並倚東風。秦娘總與號娘同。

玉質烟籠。馥馥幽香密。蕊姍姍。淡白輕紅。相携競入。翠微宮。不妬芳容。

荷花薔薇

東風無力。錦屏遮。依稀露軟。烟斜。繁花滿徑。拂窗紗。翠剪明霞。高處牽衣欲語。低邊弄影。交加。一簾月色。浸荷花。綠水人家。

玉連環

夜落金錢

銀屏碧鎖空雲。靨金緋絢彩。豫州賄勝。擲紅么試比。

青。蚨。幾。倍。織。手。折。來。相。對。五。銖。堪。愛。秋。光。也。自。到。
貧。家。一。線。斜。陽。難。賣。

海棠春

閨詞和王阮亭先生韻

曉粧

枕。殘。斜。溜。金。釵。響。人。倦。起。日。高。朱。網。攬。鏡。怯。梳。頭。一。
點。情。波。漾。牡。丹。新。髻。翻。時。樣。怪。陌。上。遊。郎。爭。賞。髮。
髻。試。殘。粧。日。暖。雲。鬟。敞。

黃公曰敞字得梳頭之妙陰雨也好

又
午睡

海棠花下春風足。停鍼線。忽縈心曲。曉夢未分明。還
向鴛鴦褥。簾紋碧。映紅生肉。睨睡眼。醉花柔。玉驚
認。是朝暉。影落湘妃竹。

又
晚浴

玉盤水浸金鈿影。清波映。紅潮微醒。嬌豔體。生香露。
濕梨花冷。起來喚婢移奩鏡。忙掩歛。羅裙先整。風
裊水沉烟。更熱龍涎餅。

又
夜坐

空階碎滴芭蕉雨。聽葉葉。愁和砧杵。剪淚問。燈花淚。

落花無語。夜寒還倩飛鴻去。空望斷天邊河鼓暗。
憶碧窗南玉。兩兩同揮麈。

阮亭日令我如
望見那夫人矣

桃源憶故人

寄憶

春寒淚滴羅衾暖。料峭湘簾初捲。昨夜玉人窗畔悄。
悄聞低喚。尋思却是天涯遠。此際柔腸千轉。便有
南歸魚雁。極目關河斷。

錦堂春

飲史子蒙晚香亭

盆種珊瑚作串籬。編茉莉成叢。窮冬桃李爭春色。花影漾簾櫳。柳子杯濃。泛綠荔枝蜜漬生紅。別來莫問家園事。細說嶺南風。

三字令

貞娘墓

雲悄悄。燈熒熒。雨泠泠。憑弔處。惜娉婷。烟爲鬟。霧爲鬢。歸無形。幽篁碧。晚楓青。恨千齡。玉簫歇。寒蛩鳴。辛夷襦。芙蓉席。飛殘螢。

芝田曰貞娘得此詞便可做
錢塘蘇小小錦囊幽蘭露矣

閨怨集唐詞

香閣掩

牛嶠

泣殘紅

李珣

綠陰濃

溫庭筠

花澹薄

歐陽炯

月朦朧

李珣

人去去

孫光憲

雲杳杳

馮延巳

恨忡忡

閻選

空相憶

韋莊

画樓東

顧夔

此時逢

牛嶠

消息遠

馮延巳

錦書通

歐陽炯

萬般心

馮延巳

千點淚

顧夔

一時封

馮延巳

朝中措

題張真入鶴歸亭用歐公韻

當年虛靖已。凌空勝蹟古亭中。蘿洞畫樓雲霧石壇。
時響松風。每聞猿嘯驚飛鶴。駕暮鼓晨鐘。便有藥
爐丹井。塵湖幾見仙翁。

眼兒媚

秋海棠

一簾花色寫秋容。低映碧窗紅。胭脂冷落。似顰無語。
欲笑還慵。斷腸心事誰承。問旖旎。不禁風淚痕染。
遍亭亭清影。點點芳叢。

黃公曰。明仁宗昭皇帝秋海棠蝶戀花大有風致。
星堂和韻。上段有謝却玉簪愁一寸嫩紅。又早西。

風信下。段云。瘦影嬌姿。誰得並水仙。可有同生分。皆是襯語。舜民直就海棠描寫得出。

攤破浣溪紗

閨情

蕩漾餘花落鏡奩。終朝喚婢鎮垂簾。私幸向來悽悶。慣只恹恹。手劃闌干私自語。髻拖針線總慵拈。別有關心人不覺。到睂尖。

春恨

處處風波暗未休。曉來聽雨替花憂。想到碧窗携手地。忽凝眸。半吐櫻桃開靨暈。欲眠楊柳放睂愁。懊

恨一春憔悴甚。只如秋。

喜團圓

將到家作

依稀又見蘭陵城郭。遠火垂楊。忽逢野老偏相識。驚問鬢毛蒼。遙知窗外柳開新眼。梅送餘香。牽衣大婦挽鬚小女。爭拂風霜。

天石曰。唐人有云。到家心轉急。不敢問來人。僕每怪其乞相讀。舜民此詞。并憐杜少陵羌村北征諸詩。皆才人不幸之作。不得遽做好文字讀耳。

河濱神

題二妃廟壁

落葉滿鳴條。栢宮方塚岩。二妃遺像枕寒潮。珠衣
玉珮飄搖。河流不向湘流遶。淚痕此地多少恨與
蒼梧俱杳。平陽亦有香草。

醉鄉春

斷橋月夜同內飲荷花溪處和秦少游韻

內外湖邊人悄。南北峰頭天曉。搖翠蓋。擁紅粧。一夜
幽香多少。鏡裏迎風如笑。篙底清陰堪杳。金尊滿
玉繩低一杯共我澆蘇小。

復步十錦塘再和前韻

波動一輪聲。悄水浸一天秋。曉臺榭冷。珮環寒。此際
知心原少。欲折柳絲低笑。頻向荷風輕。昏香霧濕。
淡烟籠。扶疎影亂。苔痕小。

陽臺夢

紀夢

個人悄倚銀屏立。唾花衣袖朦朧碧。眼波纔動已知。
心笑向紗幮側。隔簾聲暗認。低喚枕函親切。睡情
欲上忽三更。聽姊規。悽咽。

柳梢青

楊花

午院春深。玉樓微度。画閣低侵。亂捲愁來。輕霏恨去。
一片傷心。飄零幽夢難尋。偏冷落珠簾。繡衾燕子。
爭嘶羅衣暗惹。消息沉沉。

羅弘載曰無一字及楊花却字字婉麗因笑
宮中競唱風吹渡江水未免唐突春工也

舟中偶見有感和羅弘載韻

無限凭闌一泓秋水。兩點春山。照影輕盈。盤龍新髻。
青雀丫鬟。柔枝煞是堪攀。憨笑處琵琶暗彈。白草

黃沙昏鴉冷雁曾否開顏

黃公曰白草黃沙
十二字不堪讀

賀聖朝

西江送富雲麓學士入都

柳遮鈴索西江路花唱驪駒暮鷺坡不借片帆懸向
馬當飛度連空水遠舉頭日近傍玉清風露故人
天上訊狂生只疎慵如故

茶瓶兒

王半哭江樓畱飲界線

新製菱家芥線

一名菱家茶

碾玉塵月團千片傾瓊蕊色

香兼檀映入幽蘭葱蒨寒泉濺乳花泣冰蘂春滿

松風小暖過陽羨月冷空江聲斷

少年遊

江樓秋懷和柳屯田韻

十年舊事上心頭殘月下江樓玉露初零金風乍起
吹動一天愁衣香手粉曾畱處彷彿憶同遊眼淚
如潮枕痕似水終夜盡情流

齊賢曰終夜盡情流奇想而出之以幽秀之筆詞家最上乘語也

偷聲木蘭花

崧臺歲暮題家書尾寄閨人

碧桃花發人離別。匆匆又見花時節。細數花前恰值。花開未一年。驚心臘盡逢春暮。朔雪嚴風春裏度。屈指春光輕暖輕寒到。豔陽。

又

去年笠澤浮家去。縹緲莫釐鄉共住。楊柳絲絲滿篋。登樓唱和詩。而今零落荆釵伴。憔悴羅襟紅淚滿。地闊天長蠻雨蠻烟總斷腸。

又

長江渺渺芙蓉渡。橫浦重重梅嶺路。萬水千山唱盡
新詞行路難。海南霜雪從無信。點點偏催遊子鬢。
玉臂雲鬟懊惱三秋人未還。

又

男兒意氣差無苦。累汝兼持門與戶。典盡空箱淚裹
珍珠仔細藏。遙聞薄產豐年熟。來歲官逋先賦足。
事事關心別有關心愁更深。

又

迢迢客路誰爲主。縱是在家如逆旅。飄泊天涯誰道。
天涯勝似家。一年暫別休悲涕。暫別百年能有幾。
此後歸來老我柔鄉。傍鏡臺。

芝田曰讀舜民集琴瑟之好伯鸞德耀復見於茲
而珠江梅嶺南浦西山迢迢清夢得毋多事內藏
云情愛生於離別將毋然至
清言令句直與古鋪陳並傳

西江月

過蘇秦故里

不是秦邦金盡那能趙。印功高揣摩欲過洛陽橋。富
貴徒欺妻嫂。篋裏陰符羞看夜淡刺股徒勞青溪。

休說壽松喬笑爾車中難保

芝田曰僕有季子詩云裘敝身方賤金多位自高得此詞更爲說透

携家宿南礪山房

照處石泉曉鏡捲時山月簾鉤隔窗小婢侍梳頭不語暗垂紅袖細聽枝間喚婦相隨竹裏登樓布帆影漾綠楊舟昨夜溪邊泛酒

滿宮花

酴醿

綠陰垂鮫帕展滿架濃香開遍凭闌索笑倩人扶斗

帳流蘇初捲。玉容嬌。檀暈淺。睡起日高猶倦。不禁酒力。不禁風消。得一枝春軟。

芝田日除醪酒名卽以名花者消得一枝春軟勝却中山千日矣

送春集唐詞

春欲暮

顧夏

遙相顧

李珣

花暗柳濃何處

孫光憲

西風

回首不勝悲

李珣

簾捲晚天疎雨

毛熙震

春已去

王建

顰不語

馮延巳

雙鬢翠霞金縷

溫庭筠

舊歡新夢覺來時

張泌淚滴枕檀無數

牛希濟

應天長

第一體

秋閨集唐詞

玉京人去秋蕭索。

盧絳

愁眉歛翠春烟薄。

牛嶠

倚蘭

橈。

韋莊

捲珠箔。

馮延巳

前事豈堪重想着。

毛熙震

酒醒

情懷惡。

馮延巳

燈背小窗高閣。

韋莊

離魂何處飄泊。

溫庭

鈞

柳陰烟漠漠。

牛嶠

前調 又一體

閨人刺繡和王阮亭先生韻

水精簾捲東風院。枝上流鶯聲百轉。綠窗輕香夢軟。清淚朝朝曾洗面。砌痕深。花樣淺。出水芙蓉波濺。

繡到鴛鴦偏倦惱亂針和線

黃公曰清淚朝朝曾洗面
行道之人皆弗忍也一笑

惜分飛

膽瓶中梅菊

冬盡平蕪芳草綠。開到春梅秋菊。黃白新粧束。亭亭
一樣人如玉。淡月橫斜疑影獨。却伴晚霜高躅。風
味看俱足。林逋合傍陶潛宿。

阮亭曰妙在天然更不穿鑿
又曰二高並舉固非老韓同傳

憶漢月

嶺南芭蕉

終歲青青如許。結就纍纍堪數。綠陰滿地綠天田。種熟萬千絲縷。細把愁心展費。幾夜春情機杼。故鄉風動北窗時。更著蕉衣銷暑。

月中行

春情和周清真韻

葡萄掛滿暈流紅。初卸蠟光融。遊絲輕惹。胃雕櫳冷。露濕金蟲。褪殘花事春歸去。消幾度殘月疎鐘。羅裙微動。罵東風。小立画屏中。

黃公曰消幾
度殘月疎鐘

縷縷金

詠蠟梅花

玉人。梔。貌。天。然。別。換。冰。肌。塗。嬌。額。磬。口。檀。心。兩。奇。絕。
映。東。籬。顏。色。移。來。真。蠟。霜。姿。潔。點。醅。酥。釀。蜂。蜜。暖。
發。幽。香。擅。冬。日。逗。春。工。消。息。

鄮仙曰結句有
明月夜珠之妙

思越人

杜圻尋范少伯宅

笠湖濱。包山麓。人傳一舸西施。消夏灣頭。曾醉倚同遊。羞殺鷗夷。黃金鑄就。誰堪羨。霸越平吳。功顯縱是計。然三策善。獨嗟愛子難免。

芝田曰。大夫應類首至地。

思遠人

得閨信和晏小山韻

劈開雙鯉。粧臺信報。與平安客。相思一點。傷心兩字。遠寄何由得。東風淚。裹珍珠。滴和入。烏絲墨。染處。忽驚紅似濃。如淡映桃花箋色。

黃公曰純是夫人口氣舜民代爲出之此正周南
遺意我馬融臚我姑酌彼金壘皆后妃代爲文王
語所以情淺宋儒不諳詩教認作
后妃自序豈惟越禮更欠柔情

南柯子

春閨

柳影籠蛛網。蕉陰映綺窗。朝暉錯認是殘陽。又是一
番殘夢費思量。清鏡慵開。輕衫慢蕙。香驚魂。風裏絮悠揚。恰趁花間蝴蝶過東牆。

天石曰溪細之語外
寫容光內傳心事

醉紅粧

燈夜紀豔

相携女伴怯風涼。欲添衣。又進房。朝來新樣繡鞋幫。
更換着是誰長。就中睂鬢獨窺郎。狂眼看。一時忙。
拾得玉繩犀。合子難暗認。試猜詳。

黃公曰。更衣處大有理會。其詞却又忠厚溫柔。耆卿少游尚未窺此境界在。

青門引

詠玉莖蘭

九畹芳菲節。綠玉叢中堆雪。湘潭月冷楚烟微。嫣然
獨對。不遣遺芳歇。看來啼眼幽姿潔。香色都清絕。

粉痕欲印翠袖輕携一笑佳人折

黃公曰一笑佳人折舜民此語有別解蕭望之謂朱雲曰游促和藥來所謂佳人折也嫋嫋國香豈俾俗手摧敗舜老詞往往用一二警語謔誌其間若草草作填詞觀便是讀書難字過矣坐微塵中轉大法輪但恐無慧眼傍觀徒使菩薩低眉耳

醉花陰

九日飲豫章城樓和李清照重陽韻

城隅淅水明於畫烟靄籠晴獸無恙是黃花不奈西風吹入征衫透一樽那管身前後好挹浮丘袖莫更去登高滿眼江山賺得人清瘦

阮亭曰和清照詞插入清照集中幾
無處辨非才高古人一等不能得也

玉團兒

詠貓

深閨馴繞閒時節。卧花茵。香團白雪。仄住湘裙。迴身欲捕。繡成雙蝶。春來更惹人憐惜。恠無端。魚羹虛設。暗響金鈴。亂翻鴛瓦。把人拋撇。

尋芳草

詠草

渡院望王孫。看幾處。平蕪春草。正萋萋。南浦西堂悄。

苔痕印湘裙掃。綠遍短長亭斷。送盡行人多少共。
愁生一夜如絲繞。芳茵外東風曉。

怨王孫

春閨雪夜和李清照韻二首

鐘靜香悄。酒欺花惱。疎竹輕敲。瑣窗洞曉。倦倚獸炭
圍紅。隔簾風。撒鹽絮絮瀾漫處。吹春去。似把青春
負最愛玲瓏纖軟。彷彿輕雲共文君。

其二

玉樓初晚。銀蟾小院。著處魂消。悵時夢斷。相對郢曲。

難傳話纏綿。漁裙時節偏縈惹。將儂捨恰。又愁來也。無恨傷春情性。整整斜斜。亂楊花。

江月晃重山

月下江行

楚尾平鋪銀浪。吳頭穩掛輕帆。江波不動鏡光涵。推篷望。清露濕征衫。樹色遙堤影。翠山容漱水。接藍。六朝如夢。鳥呢喃。模糊處。回首憶江南。

黃公曰六朝如夢鳥呢喃模糊處回首憶江南真絕唱也擊案高歌燭花零落

杏花天

詠千葉杏花

千絲雨濕東風剪。短牆外紅輕翠軟。絳綃重疊胭脂淺。豔奪桃花人面。倚雲栽日邊。開遍和笑折明霞。舒卷一枝妬。殺紅兒見。沽酒這家庭院。

黃公曰沽酒這家庭院妙妙不錯著脚矣

浪淘沙

七夕

新月一弓彎。烏鵲橋圓。雲旝縹緲度銀灣。天上恐無蓮漏滴。忘却更殘。莫爲見時難。錦淚潛潛。有人猶

自獨憑欄。若果一年真一度。還勝人間。

程邨曰平心之論
天孫亦應首肯

摘紅英

美人飼金魚

晴光漏清陰。晝風吹細縠。雙紋皺。春波影。秋波映。一片香雲遊魚慣認。橫釵溜連錢。覆殷勤粉餌。煩纖手。波痕定。波心並。嗔郎驚散。邀郎閒凭。

青際曰恨此身不能
魚服一認香雲也

風馬兒

秋閨

悲哉秋氣夜寥寥。奈風又瀟瀟。雨又瀟瀟。欹枕孤幃。
殢度可憐宵。迢迢。驚聞雁陣影嘹嘹。更燈影搖搖。
月影搖搖。千里關山著處夢魂飄。朝朝。

史遠公曰。淒淒冷冷。變徵入商。其聲正如風馬之擊。

蒼梧詞卷三

武進董元愷舜民撰

江寧何 采省齋評

同里黃 永艾菴閱

小令 三

雙調望江南

西湖曲十首

湖上水風起。浪紋平。幾葉絲垂鵝子淡。半篙烟染鴨頭清。鏡裏放船行。珠簾捲。初映曉粧成。翠聚兩峰

卷三
一
看黛簇碧含一水。眼波明。荇藻更交橫。

又

湖上月風露滿身幽。銀漢直垂千頃。碧琉璃冷浸一天秋。長嘯倚樓頭。三潭好輟棹。且夷猶。弄影欲騎鵬翼去。清光偏共酒樽留。易值此宵不。

又

湖上柳低傍六橋移。羅幔暗。窺慵望。眼。画簾高捲。細舒。看玉笛不勝吹。誰攀折。纔起欲眠時。亂擲鶯梭。驚雨雨輕翻。燕剪幾絲絲。腸斷柳枝詞。

又

湖上花掩映綠窗紗。麴院風搖。仙子步蘇堤。春醉美。
人家爛熳自交加。堪競賞。開遍海棠花。曉起一枝。
和露折。午陰幾樹。帶溪斜。十里燦晴霞。

又

湖上女三五喚同羣。浮渲梳頭花樣髻。輕拖窄地月。
華裙低拜岳王墳。迴步屨。歛袂向湖濱。力怯却嫌。
夫婿隔路。敬微向侍兒。嗔宜笑。總宜顰。

又

湖上草漠漠復迢迢。繡陌濃鋪羅綺席。香塵暗惹綠
裙腰。凭遍木蘭橈。寒食近第一映波橋。六橋第一
名映波橋斜影鐵嘶金勒動。淚痕珠送紙錢燒。著處夢魂消。

又

湖上雨。景色淡空濛。幾處樓臺迷倒影。滿溪烟樹失
高峰。曲港小船通。西泠路。千澗響淙淙。破竹泉高
天界水。翻經聲和上方鐘。遊屐片雲封。

又

湖上舫。紅粉漾晴空。繡幕微褰清影裏。紗窗半啓碧

波中小泊斷橋東。凭闌望。心事暗惺忪。六曲銀屏。粧鏡曉。一簾春水。黛痕濃。搖入藕花叢。

又

湖上酒日帶杖頭錢。竹葉杯浮。桃葉伎。梨花春釀杏。花天一醉酒家眠。停觴處。珍重客中餐。底事沉吟。又如笑。幾回溫却。又重寒。愁緒忽漫漫。

又

湖上雪六出。正瀾漫。白盡青山綠鬢。收銀裝瓊砌。玉樓寒。翠袖倚闌干。乘興去。淒斷六橋灣。蘇小夢迷。

油壁香林逋。魂繞暗香閒。斜濕酒旗還。

黃公曰。梅邨江南好。一時傳遍。舜老復出西湖。曲以勝之。段善才琵琶戴竿兒絕技。吾得從壁上覩。

芳草渡

松陵舟中送別

吳江碧。吳山青。蘭風起。滿洞庭。驪歌愁絕不堪聽。從茲去。郎乘馬。妾揚舠。還則願塵吹轉轍。迹隨郎近。遠懷明月。指雙星。相向冥。郎抱影。妾依形。

嚴蓀友曰。絕似長爪生錦囊中語。

金鳳鈎

詠繡鞋

昨宵繡幕曾近怪花底。湘簾初褪，纖如鈎月，柔如削。
玉掌上看來越韻。蓮踪一捻，蓮痕印向洛浦香塵。
微視雙雙綠雀，盈盈羅襪，穩稱凌波身分。

鷓鴣天

燈前花影

醒寫精神醉寫容。柔枝無力倚簾櫳。視將皓月分肥瘦，
籠得輕烟別淡濃。青鏡畔，碧紗中。蘭膏燒徹轉玲瓏。
欲教移入羅幃裏，好把紅缸照院東。

月下燈花

金波灩灩玉缸融。碧蕊離離白露濃。笑剔芳心凝兔影。暗添喜色映蟾宮。銀漢北。画堂東。花開偏照百花叢。嫦娥此夜休垂淚。落盡垂珠一穗中。

聞鷓鴣集唐詩

楚水吳山何限情。

韋莊

透花窺鳥最分明。

皮日

惟奈。

瘴烟籠飲啄。

陸龜蒙

亦於梅嶺阻歸程。

李羣玉

一片雨。

皎然

五音清。

和凝

無那春風欲送行。

高適

秦人只解。

歌爲曲。

韋莊

歌按秦樓夢不成。

秦韜玉

連池岸草錢起客枕幽單看春老李賀夜淚微雨醉

初醒寶叔惆悵舊遊無復到柴夔

春怨

年年縱有春風便羅鄴楚竹離聲爲君變王昌齡點破

繁花四五枝白居易零落胭脂兩三片施肩吾未解多

情夢梁殿韓偓幾度相思不相見武元衡爲他人作嫁

衣裳韋莊粉淚凝珠滴紅線李賀

阮亭曰可與朱錫鬯詠春雨集唐一闕並稱絕調

秋村

日暮東風芳草綠

賈鞏

衰柳寒蕪繞茅屋

劉商

百樹

雞桑半頃麻

陸龜蒙

數尺絲綸一竿竹

李洞

此處掛

冠涼自足

施肩吾

黃菊倚風村酒熟

羅隱

有時新月傍

簾鉤

李遠

唱到白蘋洲畔曲

薛濤

山行有懷

京邑舊遊勞夢想

劉禹錫

中岳潁林人獨往

賈島

數村

殘照半巖陰

許渾

十畝春蔬一藜杖

陸龜蒙

一度相

思一惆悵

殷文圭

心在君家轆轤上

岑參

隨風好去落

誰家

劉禹錫

楊柳敗梢飛葉響

譚用之

閨情

曉臨明鏡腸堪絕

張窈窕

天遣春風領春色

施肩吾

纔見

開花又落花

雍陶

可能相別還相憶

戴叔倫

錦帳羅

幃羞更入

崔公遠

銀鑰重關聽未闌

徐安貞

爲君惆悵又

黃昏

羅隱

世間只有情難說

戎昱

又

金絲蹙霧紅衫薄

張祐

絕代佳人何寂寞

韓偓

鳥飛

殘照水烟開

劉滄

霜覆鶴身松子落

賈島

朝來始

向花前覺

元稹

瘦竹蟬烟遞板閣

韋莊

但會行處遍

尋看劉禹

錫禹

不然日暮還家錯

于鵠

閨憶

越羅冷薄金泥重

李商

鈿合碧寒龍腦凍

李賀

遶徑

全低月樹枝

蘇頌

峰影暗隨雲水動

孟浩然

銀箏夜

久殷勤弄

王維

花落石亭添別夢

許渾

一紙鄉書淚

滴穿

孟郊

空廊鳥啄花磚縫

王建

又

櫻花永巷垂楊岸

李商

桃葉傳情竹枝怨

劉禹

滿庭

芳草易黃昏

吳融

一去那知行近遠

常浩

寶匣塵

昏蟬鬢亂

魚玄機

斜插玉釵燈影畔

張祐

錦囊封了又

重開

韓偓

千里夢隨殘月斷

李中

黃艾庵曰集來却是詞不是詩却是一手詞不是百手詩非才大而學富如我舜民豈易支辦

瑞鷓鴣

閨情集唐詩

日照潏紅幾樹絲

姚合

只應閒看一枝枝

孫魴

孤溪

月滿維舟夜

韋莊

分隔休燈滅燭時

李商隱

多爲過

防成後悔

韓偓

誰憐夢好轉相思

韓偓

纖腰舞盡春

楊柳

薛能

惟有春風仔細知

葛亞兒

黃公曰集唐之
妙得未曾有

賦得春雪梅花和東坡韻

元辰稷雪雨廉纖。春色寒威分外嚴。
冷蕊半成雲母樹。水盤疑貯水晶鹽。
集衣似覺凝香豔。索笑還宜臥画簷。
不道笛中歌一曲。東風吹徹萬山尖。

其二

寒光初積暗金鴉。九陌爭傳詠雪車。
上苑有香堪共影。羣山無樹獨開花。
黃昏月動王恭斃。縞帶烟迷蘇小家。
應是爭春梅雪共。廣平新賦手頻叉。

其三

仙人剪水合穠纖。洒竹侵松勢更嚴。入戶只應飛玉女。捲簾詎是刻無鹽。孤根欲暖霜滋曉。五出無塵月掛簷。何事滿空飄瑞葉。一枝斜壓遠峰尖。

其四

塗窗誰識暮棲鴉。和雨和烟畏日車。春到江南花是雪。月殘遼海雪成花。天因不夜銀千頃。水更無聲玉萬家。便使剡溪乘興去。橫枝遙見酒旗叉。

天石曰東坡雪詠作不得詩和解此者故自絕少

南鄉子

秋閨月夜

極目海天空。碾就冰輪照碧峰。漸有清光穿入戶。玲瓏玉臂雲鬟素影中。獨自倚梧桐。悵望銀河待好風。夜半若隨千里夢。相逢皎潔隨君處處同。

下第別諸同年出都集唐人句效東坡體

春別洛陽城

白居易

又見新書甲乙名

樊驥

國器舊知

收片玉登瀛

崔軒

歷歷銀鈎指下生

魚玄機

斜月入

前楹

白居易

心仰蓮峰望太清

金厚載

春色年來誰是主

無成

熊顧非

半在雲霄覺更榮

李宜古

西歸道中

殘月下寒沙

錢起

北斗闌干南斗斜

劉方平

千里不辭

行路遠天涯

唐太宗

獨自狂夫不憶家

劉禹錫

何處得

停車

王績

又見秦城換物華

張蠙

白雪却嫌春色晚

飛花

韓愈

淡掩虛窗臥碧紗

王漁

送金明府歸里

文苑振金聲

劉禹錫

竹遶琴堂水遶城

楊夔

願以澁心

留善政高名

李義

朝野咸推重太平

崔日用

縣鼓應

雞鳴王維

橋上春風綠野明盧綸

若使巢由同此意

簪纓張謂

笑引江帆帶月行錢起

旅館對月

月色白如霜

白居易

一片山花落筆牀

岑參

檢得舊書

三四紙成行

元稹

惟到尊前似故鄉

盧綸

不是少

清光錢起

依舊明朝在路傍

張肅

莫道薊門秋信少

衡陽王昌齡

轉覺愁隨夜夜長

戎昱

閨情

歸棹隱孤舟

王勃

水帶離聲入夢流

羅隱

錦字織成

添別恨悠悠劉滄笑摘青梅叫阿侯施肩吾紅燭乍

迎秋張仲素風物淒淒宿雨收韓翃山色正來銜小苑

高樓李商隱莫向銀臺半夜遊王初

閨思

谷鳥一聲幽王維莫遣楊花笑白頭戴叔倫先向紅粧

添曉夢新愁王建雲物淒清拂曙流趙嘏共作草

堂遊武元衡次第看花直到秋楊巨源況是故園搖落夜

登樓翁綬羅綺晴驕綠水洲孟浩然

阮亭曰截句處具三昧

黃公曰截句之巧更難如此文心幾於天雨粟矣
又曰舜老必堪作宰相何以故截句處妙於叶後

少年行

驚起欲棲鳥

李益

駿馬翩翩新虎符

韓翃

五鳳街頭

閒勒轡金吾

施肩

猶暇憐詩愛酒無

趙嘏

渺渺戍

烟孤

劉長卿

笑倚春風仗曉轡

曹唐

相憶杏花壇上去

擣菰

李羣玉

只有援莎更一呼

李遠

旅懷

江靜晚烟濃

魚玄機

二十年來萬事同

柳宗元

夜半酒醒

人不覺秋風

竇羣

曉月當簾挂玉弓

李賀

不復舊

時容高適硯匣留塵盡日封柳宗元漢水楚雲千萬里
無窮劉長卿半在邯鄲驛樹中劉言史

春興

嵐翠濕人衣王維或棹輕舟或杖藜郎士元一院落花

無客醉鶯啼溫庭筠逸處能高怨處低劉禹錫夜妬燕

雙棲白居易迴看池塘影漸稀李建勳唯有教坊南畔草

萋萋王建空使王孫見卽迷王祝

春情

更遣幾年回柳宗元石徑春風長綠苔劉商此夜斷腸

人。不。見。徘。徊。顧況。昨。夜。緣。何。入。夢。來。白居易。江。上。落。

殘。梅。貫休。莫。惜。芳。時。醉。酒。杯。劉滄。心。似。百。花。開。未。得。

春。催。曹松。坐。對。寒。松。手。自。栽。皇甫冉

春雪早行

莫。道。夢。魂。遙。張文收。六。出。飛。花。處。處。飄。章孝標。獨。倚。破。簾。

閒。悵。望。春。朝。元稹。雪。滿。長。安。酒。價。高。鄭谷。躍。馬。上。

河。橋。楊凝。菰。葉。風。翻。綠。剪。刀。白居易。爲。近。都。門。多。送。別。

長。條。白居易。力。不。禁。風。旋。旋。銷。秦韜

秋日遣興

乘興且長歌

王績

身外功名一任他

元稹

自欲放懷

猶未得如何

溫庭

寂歷秋花野意多

皎然

芳草漸

成窠

侯夫

鏡水無風也自波

劉禹

縱有鄰人解吹笛

誰過

劉禹

空苑鳬鷺占淺莎

許渾

秋感

香桂折新柯

魚玄

紫陌金隄映綺羅

翁綬

莫是長安

行樂地蹉跎

李頎

舊路依然此重過

劉長卿

顧影逗

輕波

李嘉祐

到處閒門長薜蘿

戴叔倫

休唱開元供奉曲

無多

劉禹錫

落葉紛紛暮雨和

魚玄機

西江歲暮送友人入都

相憶一欣然

白居易

何處韶光最可憐

白居易

別後依依

寒食裏東田

韓翃

沙岸蒲帆隔野烟

王建

湓水暮

連天

劉長卿

愁見孤城落日邊

王維

共說京華舊遊地

潛然

賈至

明日春風又一年

來鵬

春閨卽事

長望涕沾巾

王維

深院無人獨倚門

韋莊

惆悵春歸

留不得黃昏

白居易

靜夜名香手自焚

皇甫曾

邀我對

芳樽

吳筠

蟬翅低從兩鬢分

羅隱

唯有風光與蹤跡

銷魂

韓偓

圖

遣蕭郎

問淚痕

無名氏

聞鷓鴣

格磔鷓鴣啼

錢起

暖戲平蕪錦翼齊

鄭谷

日晚長烟

高岸近峰低

李嘉祐

苦竹嶺頭人未歸

許渾

此路不

堪迷

孟遲

一向南飛又北飛

薛濤

惆悵一年春又去

依依

韋莊

莫動哀吟易慘悽

張泌

病起讀莊子

俛首視烟霞

楊敬真

雲蔽長安路更賒

許渾

藜杖移時

挑細藥幽花

皮日休

洞口人家日易斜

曹唐

不得問

丹砂

杜甫

席上餘杯對早茶

白居易

銷得人間無限事

南華

李洞

斗覺霜毛一半加

韓愈

江樓集杜少陵句

颯颯鬢毛蒼

寄沈八丈

北望傷神坐北窗

進艇

厚祿故人

書斷絕淒涼

狂夫

日滿樓前江霧黃

十二月一日

恩豈

布衣忘

西郊

青史無勞數趙張

章梓州橋亭

虛閣捲簾圖

畫裏瀟湘

卽事

指點銀瓶索酒嘗

少年行

送友集杜少陵句

春色淚痕邊

泛江送魏十八

日短江湖白髮前

公安送錦席

淹。畱。還。出。浦。迴。船。泛鄭監前湖忽。漫。相。逢。是。別。筵。送駱侍

萬。一。故。人。憐。覽鏡老。去。新。詩。誰。與。傳。寄晏上人古。往。今。

來。皆。涕。淚。風。烟。送韋二少府信。有。人。間。行。路。難。將赴成都草堂有作

南歸遇北來友人集杜少陵句

容。易。失。沉。淪。贈鮮于京兆路。難。悠。悠。常。傷。人。九日不。爲。困。

窮。寧。有。此。須。親。又呈吳郎白。水。青。山。空。復。春。寄常徵君對。酒。

滿。壺。頻。漫成戶。牖。憑。高。發。興。新。題鄭縣亭子正。是。江。南。好。

風。景。逢。君。江南逢李龜年更。恐。歸。飛。隔。暮。雲。官池春雁

微泉閣遣懷呈家叔集白香山句

倚杖小池前。

卽事

半採紅蓮半白蓮。

看采

辜負春風。

楊柳曲今年。

負春

猶有些些舊管絃。

獨聞九日

相對。

一陶然。

牛酬淮南公

半醉行歌半坐禪。

自詠

綠竹掛衣涼。

處歇時眠。

池上卽事

免被饑寒婚嫁牽。

往還贈鄰里

秋日懷友集白香山句

非病亦非眠。

晝臥

况是秋陰欲雨天。

聞蛩

惟覓少年。

心不得依然。

洛陽春

老後誰能惜酒錢。

與夢得沽酒閒飲

久。

結靜中緣。

新昌新居書事

滿地槐花滿樹蟬。

暮立

何處曾經。

同望月堂前。

感月悲逝者

池畔猶應泊舊船。

寄荅周協律

周。

閨情集李義山句

惱帶拂鴛鴦。風又入盧家妬玉堂。對雪見我伴羞頻。

照影遊郎。蝶不信年華有斷腸。柳金斗熨沉香。效

陵玉殿秋來夜正長。席上直道相思了無益。清狂。無

欲拂塵時簾竟牀。寄王十

阮亭曰宋初諸館職博摭義山至形伶人嘲笑正坐無舜民丹頭種子耳

春閨集韓致光句

鸚鵡伴人愁。效崔國輔體情緒牽人不自由。擁鼻。正是落。

花寒食夜南樓。歲衣半鏡隨郎葬杜郵。代小歛笑。

慢回頭。三憶韓壽香焦亦任偷。閨情此際別人應未覺風流。偶見眼意心期卒未休。青春

阮亭曰玉溪玉山千載重開生面

閨情集韓致光句

閒画兩鴛鴦

信筆

院宇秋明日日長

聯綴

蜀紙麝煤

沾筆興茶香

橫塘

懶對菱花暈曉粧

閨恨

怯見上

空牀

春閨

半夜潛身入洞房

閨夜

光景旋銷惆悵在

淒涼

五更

風月應知暗斷腸

裏娜

艾巷日信手琳琅觸目光怪化工之筆無迹可尋恨不令文友見之歎阿奴策勝火攻也

虞美人

本意

霜花濺血烏江路。的是君王誤。鴻門玉斗怪當年。不教虞兮舞劍向樽前。芳魂隨向江東渡。猶作花枝舞。疏也堪憐。雉也妖笑。問漢王遺恨幾時消。

齊賢曰。疏也。雉也。說得項王悲歌劉郎氣盡。千秋快論古今獨見。當爲浮一大白。

過虞姬墓

孤墳遙枕荒祠右。過客頻回首。帳中夜舞不勝情。化作千年舞草尚如生。八千祇有虞兮在。兒女英雄

槩劉郎宮寢付寒烟。畱取美人黃土大王前。

閨情集唐詞

玉爐香暖頻添炷。

毛文錫

起坐渾無緒。

馮延巳

墮堦縈蘚。

舞愁紅。

孫光憲

薄晚春寒無奈落花風。

馮延巳

樓高不

見章臺路。

馮延巳

更引流鶯妬。

張泌

數聲和月到簾櫳。

李後主

驚破碧窗殘夢。画屏空。

張泌

閨恨

南園滿地堆輕絮。

溫庭筠

梁燕雙來去。

魏承班

歸時休照

燭花紅。

李後主

樓上月明三五瑣窗中。

溫庭筠

好是向

人柔弱處

毛熙震

一夢雲兼雨

閻選

覺來枕畔怯晨鐘

顧夏

還是去年今日恨應同

李後主

春情

已知前事無尋處

馮延巳

春恨如何去

孫光憲

曉鶯簾外

語花枝

顧夏

說盡人間天上兩心知

韋莊

枕上夜

長長似歲

馮延巳

思夢時時睡

唐昭宗

越羅衣褪鬱金黃

李珣

髻慢釵橫無力縱猖狂

毛熙震

黃公口諸集句蘇蕙回文之後乃有此巧

春去也

春愁

春來風雨儂愁做。送得春歸却是愁來路。愁來原是共春來。春歸不帶愁同去。愁欲畱春少。住春竟拋愁獨去。何如索性不逢春。一年長在愁邊住。

生洲曰春去愁來多有人道過而此詞纏綿層曲則又前人所無所云舊花樣中脫出新針線也當是夜來鍼神天孫機巧

鵲橋仙

七夕東范龍仙

蛛絲暗卜。綵線頻穿。此夜倚闌多少。縱教癡絕似牽。

牛偏消受天孫機巧。百子池邊長生殿裏一點夢
魂難到。被驅原只爲逋錢料天也應須一笑。

舟夕口占贈蕭北江

文園妙手詞壇駿足兼擅誰如卿者橫吹鐵笛問嬋
娟又何減君家思話絃歌城外射書濠畔到處溪
山如畫凭闌永夜聽清談看疊疊從天而下

夜行船

詠螢

露冷紗窗梧影暗却數點疎星零亂葉底輕霑花梢

低映長向琴書作伴。飛上釵梁雲影畔。偏照出晚粧嬌倩。帶雨纔來隨風忽去。恐惹多情綉扇。

阮亭曰五十六字已堪壓倒安仁一賦

又

一點丹良祗自抱。休浪說宵行熠燿。微時能化幽處。偏明敢向纖阿爭耀。三十六宮曾誤到。悔誤作隋宮腐草。飄泊年年流輝耿耿。搖弄客牀殘照。

黃公曰三十六宮曾誤到。悔誤作隋宮腐草。古今詠螢思不及此。摩寫光耀會何足云。

醉落魄

秋夜

竹搖月碎一聲破。拆驚初睡。瑟瑟秋風吹薄醉。斷雁寒蛩催促人憔悴。遍將往事思量再。安排幾度。渾無奈。誰道玉樓人不在。夜夜尋儂穩坐心兒內。

遠公曰不說思伊翻說尋儂遂使玉樓人抵賴不得

一斛珠

閨戲

烏歌花舞倦人天氣。槐陰午悶。來自照春山。顰却有誰。過花下呼鸚鵡。女伴相携人四五。鬪完芳草翻。

棋譜。愁時笑。拔金釵賭些事。關心輸却。釵雙股。

程邨曰。贏了便覺興盡。輸却可思。
阮亭曰。直得雙金。所謂敗亦可喜。

小重山

花下

曉起相携。花下嬌折來。和露插亂雲邊。遶身一步更。
堪憐。還却立。故向侍兒前。分手各淒然。百花生日。
日恨年年。落花如雨。雨如烟。關心記好夢。總難全。

踏莎行

新燕

杏花烟稠梨亭雲幙凭闌一望春塵遠去年燕子定
歸來風前試把簾兒捲約約雙飛生生細剪商量
似說香巢淺初來不爲哨雛忙經時纔見銜泥轉

兄文友云看來兒女大累閒
情則別樣經營尚可稍緩

惜分釵

美人藏鉤

梨雲榭梧陰下翠袖娟娟涼月夜近瑤臺映金壘鵝
兒酒滿鉤弋拳開猜猜張燈炮分曹射暗動橫波
鬢影瀉故遲徊更佯推被儂單算輸與雙枚杯杯

阮亭曰寫態好雙
疊字亦復自然

七娘子

過露筋祠

平湖捲起寒波瀉。淡烟吹散橫塘灑。五夜冰心千年玉骨。幾人巾幘如卿者。停橈試問靈旗下。拂衣爭向題詩罷。燕子不來棠梨欲謝。芳魂今日猶生也。

阮亭附記過露筋祠絕句云翠羽鳴璫尚儼然湖雲祠樹碧於烟行人繫纜月初墮門外野風開白蓮重過云露筋祠前水拍村平湖水暖生蘭蓀靈風斜日画旗捲時有神鴉歸廟門

東坡引

賚婢詞 手鏡

清光憔悴久。情緒消磨有。菱花新樣頻。携手淚痕猶在否。淚痕猶在否。從郎別後。時時昏黝。長只共。夫人爭瘦。團圓兩字。今番又相依。堪白首相依。堪白首。

又 剪刀

繡奩晴色換。飛絮東風滿。郎來好試并州。看情絲千種亂。情絲千種亂。夜深頻放。有愁相伴。共画闌。玉人春倦。朦朧一縷裁難斷。雙鴛誰剪。半雙鴛誰剪。半。

又 琢針

夜來能暗認。乞巧誰能信。琢成雙眼鋒芒迅。漫將絲線引。漫將絲線引。欲吞如刺啼痕隱。隱。敢辜負粉郎私贈臨行會記。郎衣準歸來還自忖。歸來還自忖。

又 鈕扣

暖金雲影溜。綵縷芙蓉繡。端溪新致丁香扣。憐伊清影瘦。憐伊清影瘦。羅襦半解那時時候。只兩點橫波暈透。朝來牢繫鴛鴦紐。莫教消息漏。莫教消息漏。

又 漆枕

紅粧光欲耀。紫樹雲爭繞。携來嶺海邯鄲道。得人憐。

惜早得人憐惜早玉繩低處羅帷未曉却此際情
淩多少從今消受檀郎抱一宵殘夢了一宵殘夢了

又 簾席

滑如霜薤葉細似湘紋節琉璃黃映消肌雪匡牀憑
拂拭匡牀憑拂拭孤眠此夜偏生歛仄較不似昨
宵寧貼思量幾度重鋪設與郎隨轉側與郎隨轉側
青際日輕秀之
筆語語生豔